



Deddf Iechyd y Cyhoedd (Isafbris am Alcohol) (Cymru) 2018

2018 dccc 5

Cyffredinol

24 Troseddau a gyflawnir gan bartneriaethau a chymdeithasau anghorfforedig eraill

- (1) Mae achos am drosedd o dan y Ddeddf hon yr honnir ei bod wedi ei chyflawni gan bartneriaeth i gael ei ddwyn yn enw'r bartneriaeth (ac nid yn enw unrhyw un neu ragor o'r partneriaid).
- (2) Mae achos am drosedd o dan y Ddeddf hon yr honnir ei bod wedi ei chyflawni gan gymdeithas anghorfforedig ac eithrio partneriaeth i gael ei ddwyn yn enw'r gymdeithas (ac nid yn enw unrhyw un neu ragor o'i haelodau).
- (3) Mae rheolau llys sy'n ymwneud â chyflwyno dogfennau yn cael effaith fel pe bai'r bartneriaeth neu'r gymdeithas anghorfforedig yn gorff corfforaethol.
- (4) Mae adran 33 o [Ddeddf Cyfiawnder Troseddol 1925 \(Criminal Justice Act 1925 \(c. 86\)\)](#) ac Atodlen 3 i [Ddeddf Llysoedd Ynadon 1980 \(Magistrates' Courts Act 1980 \(c. 43\)\)](#) yn gymwys mewn achos am drosedd a ddygir yn erbyn partneriaeth neu gymdeithas anghorfforedig ac eithrio partneriaeth fel y maent yn gymwys mewn perthynas â chorff corfforaethol.
- (5) Mae dirwy a osodir ar bartneriaeth wrth ei heugfarnu o drosedd o dan y Ddeddf hon i gael ei thalu o asedau'r bartneriaeth.
- (6) Mae dirwy a osodir ar gymdeithas anghorfforedig ac eithrio partneriaeth wrth ei heugfarnu o drosedd o dan y Ddeddf hon i gael ei thalu o gronfeydd y gymdeithas.

Gwybodaeth Cychwyn

- I1** A. 24 ddim mewn grym ar y Cydsyniad Brenhinol, gweler [a. 28\(2\)](#)
- I2** A. 24 mewn grym ar 2.3.2020 gan [O.S. 2020/175](#), [rhl. 2\(b\)](#)

Statws Golwg cyfnod mewn amser fel yr oedd ar 02/03/2020.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd y Cyhoedd (Isafbris am Alcohol) (Cymru) 2018, Croes Bennawd: Cyffredinol. (See end of Document for details)

25 Atebolrwydd uwch-swyddogion etc.

- (1) Mae'r adran hon yn gymwys pan fo trosedd o dan y Ddeddf hon yn cael ei chyflawni gan—
- corff corfforaethol;
 - partneriaeth;
 - cymdeithas anghorfforedig ac eithrio partneriaeth.
- (2) Os profir bod y drosedd wedi ei chyflawni gan y canlynol, neu gyda chydysyniad neu ymoddefiad y canlynol, neu y gellir ei phriodoli i esgeulustod ar ran y canlynol—
- uwch-swyddog i'r corff corfforaethol neu'r bartneriaeth neu'r gymdeithas anghorfforedig, neu
 - unrhyw berson sy'n honni ei fod yn gweithredu mewn rhinwedd a grybwyllir ym mharagraff (a),
- mae'r uwch-swyddog hwnnw neu'r person hwnnw (yn ogystal â'r corff corfforaethol, y bartneriaeth neu'r gymdeithas) yn euog o'r drosedd ac yn agored i gael ei erlyn a'i gosbi yn unol â hynny.
- (3) Yn yr adran hon, ystyr “uwch-swyddog” yw—
- mewn perthynas â chorff corfforaethol, cyfarwyddwr, rheolwr, ysgrifennydd neu swyddog tebyg arall i'r corff corfforaethol;
 - mewn perthynas â phartneriaeth, partner yn y bartneriaeth;
 - mewn perthynas â chymdeithas anghorfforedig ac eithrio partneriaeth, unrhyw swyddog i'r gymdeithas neu unrhyw aelod o'i chorff llywodraethu.
- (4) Yn is-adran (3), ystyr “cyfarwyddwr”, mewn perthynas â chorff corfforaethol y rheolir ei faterion gan ei aelodau, yw aelod o'r corff corfforaethol.

Gwybodaeth Cychwyn

- I3** A. 25 ddim mewn grym ar y Cydysyniad Brenhinol, gweler **a. 28(2)**
I4 A. 25 mewn grym ar 2.3.2020 gan **O.S. 2020/175, rhl. 2(b)**

26 Rheoliadau

- (1) Mae pŵer i wneud rheoliadau o dan y Ddeddf hon—
- yn arferadwy drwy offeryn statudol;
 - yn cynnwys pŵer i wneud darpariaeth wahanol at ddibenion gwahanol;
 - yn cynnwys pŵer i wneud darpariaeth atodol, gysylltiedig, ganlyniadol, drosiannol, ddarfodol ac arbed.
- (2) Ni chaniateir i offeryn statudol sy'n cynnwys rheoliadau a wneir o dan y darpariaethau a ganlyn gael ei wneud oni bai bod drafft o'r offeryn wedi ei osod gerbron Cynulliad Cenedlaethol Cymru ac wedi ei gymeradwyo ganddo drwy benderfyniad—
- adran 1;
 - adran 22;
 - paragraff 5(2) o Atodlen 1;
 - paragraff 9 o Atodlen 1.

Statws Golwg cyfnod mewn amser fel yr oedd ar 02/03/2020.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd y Cyhoedd (Isafbris am Alcohol) (Cymru) 2018, Croes Bennawd: Cyffredinol. (See end of Document for details)

- (3) Mae unrhyw offeryn statudol arall sy'n cynnwys rheoliadau a wneir o dan y Ddeddf hon yn ddarostyngedig i gael ei ddi-ddymu yn unol â phenderfyniad gan Gynulliad Cenedlaethol Cymru.

Gwybodaeth Cychwyn

I5 A. 26 mewn grym ar 10.8.2018, gweler **a. 28(1)(a)**

27 Dehongli

- (1) Yn y Ddeddf hon, ystyr “alcohol” yw gwirodydd, gwin, cwrw, seidr neu unrhyw ddi-diod arall sydd wedi ei heplesu, ei distyllu neu sy'n wirolod, ond nid yw'n cynnwys unrhyw un o'r canlynol—

- (a) alcohol sydd o gryfder nad yw'n uwch nag 1.2% pan y'i cyflenwir;
- (b) persawr;
- (c) rhinflasau a gydnabyddir gan Gomisiynwyr Cyllid a Thollau Ei Mawrhydi fel rhai nas bwriedir i'w hyfed fel diod alcoholaidd dolladwy neu gyda diod o'r fath;
- (d) y rhinflas aromatig a elwir yn gyffredin yn chwervon Angostura;
- (e) alcohol sy'n gynnyrch meddyginiaethol neu'n gynnyrch meddyginiaethol milfeddygol, neu sydd wedi ei gynnwys mewn cynnyrch o'r fath;
- (f) alcohol sydd wedi ei annatureiddio;
- (g) alcohol methyl;
- (h) nafftha;
- (i) alcohol sydd wedi ei gynnwys mewn melysion gwirod.

- (2) At ddibenion is-adran (1)—

mae i “alcohol sydd wedi ei annatureiddio” yr ystyr a roddir i “denatured alcohol” yn adran 5 o [Ddeddf Cyllid 1995 \(Finance Act 1995 \(c. 4\)\)](#);

mae i “cynnyrch meddyginiaethol” yr ystyr a roddir i “medicinal product” yn adran 130 o [Ddeddf Meddyginiaethau 1968 \(Medicines Act 1968 \(c. 67\)\)](#);

mae i “cynnyrch meddyginiaethol milfeddygol” yr ystyr a roddir i “veterinary medicinal product” yn rheoliad 2 o [Reoliadau Meddyginiaethau Milfeddygol 2013 \(Veterinary Medicines Regulations 2013 \(SI. 2013/2033\)\)](#);

mae i “diod alcoholaidd dolladwy” yr ystyr a roddir i “dutiabale alcoholic liquor” yn Neddf Tollau ar [Ddiodydd Alcoholaidd 1979 \(Alcoholic Liquor Duties Act 1979 \(c. 4\)\)](#);

ystyr “melysion gwirod” (“*liqueur confectionery*”) yw melysion—

- (a) sy'n cynnwys alcohol mewn cyfran nad yw'n uwch na 0.2 litr o alcohol (o gryfder nad yw'n uwch na 57%) y cilogram o'r melysion, a
- (b) sydd naill ai'n cynnwys darnau ar wahân nad ydynt yn pwyso mwy na 42g neu sydd wedi eu dylunio i gael eu torri yn ddarnau o'r fath at ddiben eu bwyta.

- (3) At ddibenion y Ddeddf hon—

ystyr “awdurdod lleol” (“*local authority*”) yw cyngor sir neu fwrdeistref sirol yng Nghymru;

ystyr “cryfder” (“*strength*”) alcohol yw ei gryfder alcoholaidd—

Statws Golwg cyfnod mewn amser fel yr oedd ar 02/03/2020.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd y Cyhoedd (Isafbris am Alcohol) (Cymru) 2018, Croes Bennawd: Cyffredinol. (See end of Document for details)

- (a) sydd, mewn perthynas ag alcohol sydd wedi ei gynnwys mewn potel neu gynhwysydd arall sydd wedi ei farcio neu ei labelu yn unol â gofynion a osodir drwy unrhyw ddeddfiad neu reol gyfreithiol neu o dan unrhyw ddeddfiad neu reol gyfreithiol, i gael ei gymryd fel y cryfder alcoholaidd yn ôl cyfaint fel y'i dangosir gan y marc neu'r label ar y botel neu'r cynhwysydd;
- (b) sydd fel arall i gael ei gyfrifiannu yn unol ag adran 2 o Ddeddf Tollau ar Ddiodydd Alcoholaidd 1979 ([Alcoholic Liquor Duties Act 1979 \(c. 4\)](#)); ystyr "Deddf 2003" ("*the 2003 Act*") yw [Deddf Trwyddedu 2003 \(Licensing Act 2003 \(c. 17\)\)](#);
ystyr "deddfiad" ("*enactment*") yw deddfiad (pa bryd bynnag y'i deddfir neu y'i gwneir) sydd wedi ei gynnwys yn un o'r canlynol, neu mewn offeryn sydd wedi ei wneud o dan un ohonynt—
- (a) Deddf Seneddol;
- (b) Mesur neu Ddeddf gan Gynulliad Cenedlaethol Cymru;
mae i "gwerthu drwy fanwerthu" yr ystyr a roddir i "sale by retail" yn Neddf 2003;
mae i "mangre" yr ystyr a roddir i "premises" yn Neddf 2003;
mae i "mangre gymhwysol" ("*qualifying premises*") yr ystyr a roddir yn adran 3;
ystyr "partneriaeth" ("*partnership*") yw—
- (a) partneriaeth o fewn [Deddf Partneriaethau 1890 \(Partnership Act 1890 \(c. 39\)\)](#), neu
- (b) partneriaeth gyfyngedig sydd wedi ei chofrestru o dan [Ddeddf Partneriaethau Cyfyngedig 1907 \(Limited Partnerships Act 1907 \(c. 24\)\)](#);
- ystyr "rheoliadau" ("*regulations*") yw rheoliadau a wneir gan Weinidogion Cymru;
mae i "trwydded mangre" yr ystyr a roddir i "premises licence" yn Neddf 2003;
mae i "tystysgrif mangre clwb" yr ystyr a roddir i "club premises certificate" yn Neddf 2003.

Gwybodaeth Cychwyn

16 A. 27 mewn grym ar 10.8.2018, gweler [a. 28\(1\)\(a\)](#)

28 Dod i rym

- (1) Daw'r adrannau a ganlyn i rym ar y diwrnod ar ôl y diwrnod y caiff y Ddeddf hon y Cydsyniad Brenhinol—
- (a) adrannau 26 a 27;
- (b) yr adran hon;
- (c) adran 29;
- (d) adran 30.
- (2) Daw darpariaethau eraill y Ddeddf hon i rym ar ddiwrnod a bennir gan Weinidogion Cymru drwy orchymyn a wneir drwy offeryn statudol.

Statws Golwg cyfnod mewn amser fel yr oedd ar 02/03/2020.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd y Cyhoedd (Isafbris am Alcohol) (Cymru) 2018, Croes Bennawd: Cyffredinol. (See end of Document for details)

- (3) Caiff gorchymyn o dan is-adran (2)—
- (a) pennu diwrnodau gwahanol at ddibenion gwahanol;
 - (b) gwneud darpariaeth drosiannol, ddarfodol neu arbed mewn cysylltiad â dod â darpariaeth yn y Ddeddf hon i rym.

Gwybodaeth Cychwyn

I7 A. 28 mewn grym ar 10.8.2018, gweler **a. 28(1)(b)**

29 Hybu ymwybyddiaeth y cyhoedd o'r isafbris am alcohol

- (1) Rhaid i Weinidogion Cymru gymryd camau i hybu ymwybyddiaeth y cyhoedd o'r bwriad i gychwyn y gofynion o ran yr isafbris a gyflwynir gan y Ddeddf hon.
- (2) Rhaid i'r camau a gymerir gynnwys camau i hybu ymwybyddiaeth y cyhoedd o'r risg i iechyd yn sgil goryfed, ac o sut y bwriedir lleihau lefelau yfed yn sgil cyflwyno'r isafbris am alcohol.

Gwybodaeth Cychwyn

I8 A. 29 mewn grym ar 10.8.2018, gweler **a. 28(1)(c)**

30 Enw byr

Enw byr y Ddeddf hon yw Deddf Iechyd y Cyhoedd (Isafbris am Alcohol) (Cymru) 2018.

Gwybodaeth Cychwyn

I9 A. 30 mewn grym ar 10.8.2018, gweler **a. 28(1)(d)**

Statws

Golwg cyfnod mewn amser fel yr oedd ar 02/03/2020.

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd y Cyhoedd (Isafbris am Alcohol) (Cymru) 2018, Croes Bennawd: Cyffredinol.